

Kuzmanović (Vaso) Petar
1911.- 2000.



Vrijeme čini svoje, nosi sa sobom sve, pa i ljude. Tako je ove godine sa vihorom vremena otišao i naš kolega Pero. Otišao je tiho kao što je i živio, ostavio je iza sebe plodan rad i upute mladima kako se voli svoja struka – geodezija, radi i stvara za dobrobit svoga naroda.

Rođen je u Sanskom Mostu, školovao se u rodnom gradu, Prijedoru, Banja Luci, Sarajevu i Beogradu.

Kao mladi geodeta učestvuje na premjeru Srbije, a potom kao šef katastarske službe Šapca, Niša, Prokuplja i drugih mjesta.

Vlada FNRJ u Beogradu, sa većim brojem geometara, porijeklom iz Bosne i Hercegovine, 1947. godine upućuje ga na rad u Bosnu i Hercegovinu, a Vlada NR Bosne i Hercegovine postavlja ga za pomoćnika načelnika geodetske uprave za operativni sektor. Za načelnika geodetske uprave pri Vladi NRBiH postavljen je 1949. godine.

Za direktora Republičke geodetske uprave postavljen je 1954. godine. U vrijeme službovanja u republičkoj geodetskoj upravi vršeni su premjeri, aerofotogrametrijskom metodom, područje opština Bijeljina, Bosanski Šamac, Bosanska Gradiška, Bosanska Dubica i drugi.

Odlaskom u mirovinu vraća se u Banja Luku gdje ostaje do kraja života.

Učesnik je NOR-a od 1944. godine.

Odlikovao je ordenom zasluga za narod III reda (1946.) i ordenom rada II reda (1955.).

Svima koji su saradivali sa Perom ostao je u lijepom sjećanju, ostao im je kao svjetao primjer stručnjaka i rukovodioca. Hvala mu za sve što je učinio za geodetsku struku i geodeziju Bosne i Hercegovine.

Mustafa Begić